

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7- 119/18
Sarajevo, 19.1.2018. godine

Z A P I S N I K

16. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 19.1.2018. godine

Sjednica je počela u 13:35.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je pozdravila prisutne delegate, premijera Federacije Fadila Novalića, prisutne ministre, predstavnike medija, međunarodnih organizacija, udruženja i goste.

Izostanak sa sjednice opravdali su Admir Hadžipašić i Draženka Subašić.

Na osnovu evidencije Stručne službe predsjedavajuća je konstatovala da sjednici prisustvuje 41 delegat, što čini većinu pa Dom naroda može raditi i punovažno odlučivati.

Potom je predsjedavajuća podsjetila delegate da je Vlada Federacije dostavila Prijedlog zakona o dopuni Zakona o budžetima u Federaciji Bosne i Hercegovine s prijedlogom da se razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 31 glasom za, šest glasova protiv i dva suzdržana glasa, prihvatio da se Prijedlog zakona o dopuni Zakona o budžetima u Federaciji Bosne i Hercegovine razmatra po hitnom postupku.

Budući da nije bilo prijedloga za izmjenu i dopunu predloženog dnevnog reda, predsjedavajuća je konstatovala da je Dom naroda, sa 32 glasa za, tri glasa protiv i tri suzdržana glasa, usvojio sljedeći

DNEVNI RED

1. Prijedlog Budžeta Federacije Bosne i Hercegovine za 2018. godinu,
2. Prijedlog zakona o izvršavanju Budžeta Federacije Bosne i Hercegovine za 2018. godinu,
3. Prijedlog zakona o dopuni Zakona o budžetima u Federaciji Bosne i Hercegovine - hitni postupak,
4. Prijedlog odluke o davanju saglasnosti na Finansijski plan Federalnog zavoda penzijskog i invalidskog osiguranja za 2018. godinu i na Odluku o izvršavanju Finansijskog plana Federalnog zavoda za penzijsko i invalidsko osiguranje za 2018. godinu,
5. Prijedlog odluke o davanju saglasnosti na Finansijski plan Federalnog zavoda za zapošljavanje za 2018. godinu i procjenu plana za 2019. i 2020. godinu i Odluku o izvršavanju finansijskog plana Federalnog zavoda za zapošljavanje za 2018. godinu,
6. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2018. godinu (konsolidovani) i Finansijski plan Federalnog fonda solidarnosti za 2018. godinu (Anex I) i na Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2018. godinu,
7. Prijedlog finansijskog plana - Budžeta FERK-a za 2018. godinu.

1. Prijedlog Budžeta Federacije Bosne i Hercegovine za 2018. godinu

Prijedlog Budžeta utvrdila je Vlada Federacije

Predstavnički dom je na 25. vanrednoj sjednici od 17. januara 2018. godine usvojio Prijedlog Budžeta za 2018. godinu u tekstu kako ga je predložila Vlada Federacije. Tom prilikom usvojen je Zaključak.

Amandmane na Prijedlog Budžeta podnijeli su delegati Mladen Lonić i Željko Mirković (19 amandmana), Dražen Matišić (dva amandmana), Damir Jukić (dva amandmana), Fuad Hadžimehmedović (tri amandmana) i Aner Žuljević (šest amandmana).

Vlada Federacije je dostavila izjašnjenje u kojem ne prihvata podnesene amandmane.

Prijedlog Budžeta razmatrala su nadležna radna tijela i dostavila svoje izvještaje.

Prijedlog Budžeta je obrazložio premijer Fadil Novalić.

U raspravi su učestvovali: Mirvet Beganović, Željko Mirković, Segmedina Srna Bajramović, Aner Žuljević, Muhamed Kozadra, Osman Ćatić, predsjednik Kluba delegata bošnjačkog naroda, Slaviša Šućur, predsjednik Kluba delegata srpskog naroda i Mustafa Kurtović,

Budući da su podnosioci amandmana odustali od amandmana, predsjedavajuća je stavila na glasanje Prijedlog Budžeta Federacije za 2018. godinu i konstatovala da je Dom naroda, sa 33 glasa za, pet glasova protiv i pet suzdržanih glasova, usvojio Prijedlog Budžeta Federacije za 2018. godinu.

Budući da je Željko Mirković, koga su podržala dva delegata, izrazio sumnju u rezultate glasanja, predsjedavajuća je na osnovu rezultata poimeničnog glasanja, konstatovala da je Dom naroda, sa 33 glasa za, šest glasova protiv i šest suzdržanih glasova, usvojio Prijedlog Budžeta Federacije za 2018. godinu.

Potom se glasalo o zaključcima koje je predložio delegat Mustafa Kurtović.

Predsjedavajuća je konstatovala da je Dom naroda Parlamenta Federacije, sa 42 glasova za, jednim glasom protiv i tri suzdržana glasa, usvojio sljedeći

ZAKLJUČAK

Zadužuju se sva federalna ministarstva koja u svojoj nadležnosti imaju brigu za djecu i Vlada Federacije BiH da, nakon usvajanja Budžeta Federacije Bosne i Hercegovine za 2018. godinu, obave razgovore sa udruženjima za zaštitu djece s posebnim potrebama kako bi se definirale njihove potrebe i provela ustavna obaveza prema ovoj kategoriji.

Potom se glasalo o zaključku u vezi izgradnje ceste Sarajevo - Goražde.

Na osnovu rezultata glasanja, predsjedavajuća je konstatovala da Dom naroda Parlamenta Federacije, nije usvojio predloženi Zaključak, jer za je bilo 27 delegata, 15 delegata je bilo suzdržano, a jedan delegat je bio protiv.

Budući da je Mustafa Kurtović, koga su podržala dva delegata, izrazio sumnju u rezultate glasanja, predsjedavajuća je na osnovu rezultata poimeničnog glasanja, konstatovala da Dom naroda Parlamenta Federacije, nije usvojio predloženi Zaključak, jer je za bilo 24 delegata, a 19 delegata je bilo suzdržano.

Potom je predsjedavajuća konstatovala da je Dom naroda Parlamenta Federacije sa 31 glasom za, četiri glasa protiv i četiri suzdržana glasa usvojio sljedeći

ZAKLJUČAK

Dom naroda Parlamenta Federacije BiH obavezuje Vladu Federacije BiH da, prilikom izrade Rebalansa Budžeta Federacije BiH za 2018. godinu i Zakona o izmjenama i dopunama Zakona o izvršavanju Budžeta Federacije BiH za 2018. godinu, uzme u obzir sve amandmane podnesene na 16. vanrednoj sjednici i iste maksimalno uvaži.

2. Prijedlog zakona o izvršavanju Budžeta Federacije Bosne i Hercegovine za 2018. godinu

Prijedlog zakona utvrdila je Vlada Federacije.

Predstavnički dom je na 25. vanrednoj sjednici od 17.1. 2018. godine, usvojio Prijedlog zakona o izvršavanju Budžeta Federacije Bosne i Hercegovine za 2018. godinu u tekstu kako ga je predložila Vlada Federacije. Tom prilikom usvojen je Zaključak

Na Prijedlog zakona tri amandmana je podnio delegat Aner Žuljević.

Vlada Federacije je dostavila izjašnjenje u kojem ne prihvata podnesene amandmane.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložila zamjenica premijera i federalna ministrica finansija Jelka Milićević.

U raspravi je učestvovao Aner Žuljević.

Budući da je Aner Žuljević odustao od amandmana, predsjedavajuća je stavila na glasanje Prijedlog zakona o izvršavanju Budžeta Federacije za 2018. godinu

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine sa 32 glasa za, četiri suzdržana glasa i četiri glasa protiv, usvojio Prijedlog zakona o izvršavanju Budžeta Federacije Bosne i Hercegovine za 2018. godinu.

3. Prijedlog zakona o dopuni Zakona o budžetima u Federaciji Bosne i Hercegovine

Prijedlog zakona utvrdila je Vlada Federacije.

Predstavnički dom je na 25. vanrednoj sjednici od 17.1. 2018. godine, usvojio Prijedlog zakona o dopuni Zakona o budžetima u Federaciji Bosne i Hercegovine u tekstu kako ga je predložila Vlada Federacije.

Na Prijedlog zakona amandman je podnio Aner Žuljević.

Vlada Federacije je dostavila izjašnjenje kojim ne prihvata amandman.

Prijedlog zakona razmatrala su nadležna radna tijela i dostavila svoje izvještaje.

U raspravi su učestvovali: Aner Žuljević i Slaviša Šućur.

Nakon rasprave, delegati su glasali o amandmanu Anera Žuljevića, budući da delegat Žuljević nije odustao od amandmana.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH **nije usvojio** amandman, jer je za glasalo 17 delegata, osam delegata je bilo protiv, a 18 delegata je bilo suzdržano.

Zatim se glasalo o Prijedlogu zakona.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za, šest suzdržanih glasova i četir glasa protiv, usvojio Prijedlog zakona o dopuni Zakona o budžetima u Federaciji Bosne i Hercegovine.

4. Prijedlog odluke o davanju saglasnosti na:

Finansijski plan Federalnog zavoda za penzijsko i invalidsko osiguranje za 2018. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2018. godinu

Prijedlog odluke je utvrdila Vlada Federacije i dostavila Parlamentu Federacije radi razmatranja i davanja saglasnosti.

Predstavnički dom je na 25. vanrednoj sjednici od 17.1. 2018. godine donio Odluku o davanju saglasnosti na Finansijski plan Federalnog zavoda za penzijsko i invalidsko osiguranje za 2018. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2018. godinu.

Materijal su razmatrala nadležna radna tijela i dostavila svoje izvještaje.

Plan je obrazložio Zijad Krnjić, direktor Zavoda

U raspravi su učestvovali Aner Žuljević, Slaviša Šućur, direktor Zavoda Zijad Krnjić i Osman Ćatić.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 35 glasova za i osam suzdržanih glasova, donio Odluku o davanju saglasnosti na Finansijski plan Federalnog zavoda za penzijsko i invalidsko osiguranje za 2018. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2018. godinu.

5. Prijedlog odluke o davanju saglasnosti na:

Finansijski plan Federalnog zavoda za zapošljavanje za 2018. godinu i procjena plana za 2019. i 2020.godinu, i

Odluku o izvršavanju finansijskog plana Federalnog zavoda za zapošljavanje za 2018. godinu

Prijedlog odluke je dostavila Vlada Federacije radi razmatranja i davanja saglasnosti.

Predstavnički dom je na 25. vanrednoj sjednici od 17.1.2018. godine, donio Odluku o davanju saglasnosti na Finansijski plan Federalnog zavoda za zapošljavanje za 2018. godinu i procjenu plana za 2019. i 2020. godinu i na Odluku o izvršavanju finansijskog plana Federalnog zavoda za zapošljavanje za 2018. godinu

Materijal su razmatrala nadležna radna tijela i dostavila svoje izvještaje.

U ime Federalnog zavoda za zapošljavanje govorio je Sead Pita.

U raspravi su učestvovali Željko Mirković, Aner Žuljević i Sead Pita.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za i osam suzdržanih glasova, donio Odluku o davanju saglasnosti na Finansijski plan Federalnog zavoda za

zapošljavanje za 2018. godinu i procjenu plana za 2019. i 2020. godinu i na Odluku o izvršavanju finansijskog plana Federalnog zavoda za zapošljavanje za 2018. godinu.

6. Prijedlog odluke o davanju saglasnosti na:

Finansijski plan Zavoda zdravstvenog osiguranja i reosiguranja Federacije Bosne i Hercegovine za 2018. godinu (konsolidovani),

Finansijski plan Federalnog fonda solidarnosti za 2018. godinu (Anex I) i

Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2018. godinu

Prijedlog odluke je dostavila Vlada Federacije radi razmatranja i davanja saglasnosti.

Predstavnički dom je na 25. vanrednoj sjednici od 17.1. 2018. godine, donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2018. godinu (konsolidovani), Finansijski plan Federalnog fonda solidarnosti za 2018. godinu (Anex I) i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2018. godinu. Tom prilikom je usvojen Zaključak

Ove materijale razmatrala su nadležna radna tijela i svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 40 glasa za, jednim glasom protiv i dva suzdržana glasa, donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2018. godinu (konsolidovani), Finansijski plan Federalnog fonda solidarnosti za 2018. godinu (Anex I) i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2018. godinu.

7. Prijedlog finansijskog plana - Budžeta FERK-a za 2018. godinu

Regulatorna komisija za energiju u Federaciji BiH dostavila je Parlamentu Federacije Bosne i Hercegovine Prijedlog Finansijskog plana (Budžeta) FERK-a za 2018. godinu.

Predstavnički dom Parlamenta Federacije je na 25. vanrednoj sjednici, održanoj 17.1. 2018. godine, usvojio Prijedlog Finansijskog plana - Budžeta FERK-a za 2018. godinu.

Ovaj materijal razmatrala su nadležna radna tijela i dostavila svoje izvještaje.

U raspravi su učestvovali Slaviša Šućur, Osman Ćatić i Tomislav Martinović, predsjednik Kluba delegata hrvatskog naroda.

Na osnovu rezultata glasanja, predsjedavajuća je konstatovala da je Dom naroda, sa 40 glasa za, jednim glasom protiv i dva suzdržana glasa, usvojio sljedeći

ZAKLJUČAK

Dom naroda Parlamenta Federacije BiH usvaja Prijedlog Finansijskog plana - Budžeta FERK-a za 2018. godinu.

Potom se glasalo o prijedlogu zaključka koji je iznesen u raspravi.

Na osnovu rezultata glasanja, predsjedavajuća je konstatovala da je Dom naroda, sa 37 glasova za i četiri suzdržana glasa, usvojio sljedeći

ZAKLJUČAK

Ovlašćuje se Regulatorna komisija za energiju u Federaciji BiH da izvrši popunu upražnjenih mjesta u skladu sa sistematizacijom FERK –a i potrebama koje imaju.

Sjednica je završena u 16:37.

* * *

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆA

Lidija Bradara